

Endenicher Vierdelszoch, 3 x Alaaf!!! wünscht Euch der Endenicher Imi

Blos mer jet & Bums Kapell

Leeve Pitter kumm eraf
hück weed d'r wilde Mann jemaat
Pitter kumm eraf, mer maache jet Radau
bräng alles met, wat öhntlich Krach määt
scheppert, fleut un pief
un verjiß och nit d'r Pißpott un de Rief
un dann spille mer dat Leed met d'r decke Trumm
un dat Leedche, wo et Grietche immer knatsch
un wemmer nit mih wiggerwesse, fange mir vun vürre aan
un dat esu lang bes et Grietche widder laach.

Refrain:

He spillt die "Blos mer jet & Bums Kapell"
bei uns kann jeder spille wat hä well
un dann singk jeder met uns die Leeder
die mer nit verjesse han
un immer widder all die Leeder
die mer deef em Hätze han
Mir sin die "Blos mer jet & Bums Kapell"
he spillt jeder wat hä kann, jeder wie hä well,
en dä "Blos mer jet Rums & Bums Kapell"

Leeve Pitter kumm eraf
saach wat määs du do esu lang
Pitter kumm eraf, söns kumme mir erop
mer bruche jede Jeck
dä blose un ene Knöppel halde kann
Loß dä Schoß en Rauh un treck dich endlich aan
jo, un dann spille mer dat Leed met d'r decke Trumm
un dat Leedche, wo et Grietche immer knatsch
un wemmer nit mih wiggerwesse, fange mir vun vürre aan,
un dat esu lang, bes et Grietche widder laach.

Refrain: He spillt die "Blos mer jet & Bums Kapell"

C-Teil:

Un eines, ja, dat es jeweß,
dat dreimol mull
noch immer null jeblevve es.
Manch einer, dä bejrief dat nie
ävver mir, ävver mir, ävver mir, ävver mir
mir weede immer mih.

Refrain: He spillt die "Blos mer jet & Bums Kapell"

Camping Leed Karl Berbuer

Flöck dä Rucksack engepack, es dat neue Zelt em Sack?
Mam, mer wolle all jet en Erholung gon.
Kochgescherr, wat söns noch all, uns Kanaljemöschtigall,
nemm se met, dä Kammerpott loss ston.
Un et rähnte wie en Bies, doch em Sölztal op ?ner Wies
loje Schmitzens jitz em Zelt bei Mutter Grön.
Weil die eschte Naach ald doll un de Mamm de Nas ald voll,
säht d'r Papp, dä't god gemeint hat: "Häss do Tön?"

[refrain]:

Do laachs do dich kapott, dat nennt mer Cämping.
Doch laachs do dich kapott, dat fingk mer schön.
Wenn em Zelt de Mökke un de Hummele dich verjökke,
un do kanns dann nit eraus em Rähn.
Wenn em Zelt de Mökke un de Hummele dich verjökke,
un do kanns dann nit eraus em Rähn.

Hasche mich en Höppekrat, höpften op dem Schmitz sing Plaat.
Mamm, do häß ene Käffer em Enkeur de Bläck.
Die Invasion em Zelt, nit erwünsch un angemeld,
wor zwor fies, doch wor de Langwiel weg.
Un et rähnte wie en Bies, doch de Mamm un och et Nies
hatten Jöck un wollten en d'r Bach erenn.
Mammi, sät et Nies, pass auf, tritt nit in dä
Ameishauf!
Schrumm do soss sei ald met ehrem Bretzel drenn.

[refrain]

Weil dä Schäng die Dhiercher satt, schlog hä sei mem Knöppel platt.
Dat hät nix genotz, et komen immer mieh.
Denn wenn ein dobei krepeet, han ?ner fuffzig konduleet.
Un zom Schlofe kome Schmitzens nie.
Un et rähnte wie en Bies en de Zupp un op d?r Kies
un de Wespen han sich em Kompott gezänk.
Plötzlich bei 'nem Sturm, oh Gott, ref de Mamm: Et Zelt flügg fott!
Och wie herrlich, uns Erholung eß am Engk.

[refrain]

Et jitt kei Wood (Cat Ballou)

Ich ben Lokalpatriot
Met stolzer Bross ming Fahn schwing rud un wieß
Alle wolle noh Berlin, erus en de große Welt
Doch mich kriss de hee nit fott
Ich kann nit sage, wat mich hee häld

Et gitt kei Wood, dat sage künnt,
Wat ich föhl, wann ich an Kölle denk
Wann ich an ming Heimat denk!

Han mich immer noch nit satt gehört
An kölsche Leeder un dem Schmuß vum Rhing
Han mich immer noch nit satt gesinn
An all dä Hüüscher un dem Dom
Doch ich kann nit sage, wat mich hee häld

Et gitt kei Wood, dat sage künnt,
Wat ich föhl, wann ich an Kölle denk
Wann ich an ming Heimat denk!

Et gitt dausend schöne Leeder
En jedem stich jet Wohres dren
Doch et geiht unendlich wigger
Denn et es nie zo off gesaht

Et gitt kei Wood, dat sage künnt,
Wat ich föhl, wann ich an Kölle denk
Wann ich an ming Heimat denk!

Drink doch eine mit Bläck Fööß
Na ahle Mann stett für de Weetschaftsdüür
der so jään ens einen drinken däht
Doch hä het vell zu we-nig Jeld
su lang hä och zällt.

In dr Weetschaft ist die Stimmung jroß
ävver keiner süht dä ahle Mann
Doch do kütt einer mit enem Bier
un sprich en einfach an

Drink doch eine met, stell dich nit esu an
Du stehst hier die ganze Zick eröm.
Häs de och kei Jeld, dat is ganz ejal
Drink doch mit un kümmer dich nit dröm

Mancher sitz vielleicht allein zu Haus
dä su jään ens widder laachen dät
Janz heimlich do waat hä nur drop,
daß einer zu ihm sagen dät: Drink doch eine met.....

Heidewitzka, Herr Kapitän Karl Berbuer

Einmol em Johr weed en Schiffstour gemaht,
denn su en Faht - hät keine Baat.

Einmol em Johr well mer dr Drachefels sin, - wo köme mir söns hin?
Liebchen ade, mir steche he - mem Müllemer Böötsche endlich en See.
Un wenn et ovends spät op Heim an dann jeit,
dann rufe mir vör luuter Freud:

Heidewitzka, Herr Kapitän! - Me'm Möllemer Böötschefahre mir su jään.
Mer kann su schön em Dunkle schunkele,
wenn över uns de Stääne funkele.

Heidewitzka, Herr Kapitän! - Me'm Möllemer Böötsche fahre mir su jään.

Volldampf voraus! Et jeit dr Rhing jitz entlang,
met Sang un Klang, de Fesch weede bang.
met hundert Knöddele, dat lit he op dr Hand, - wink uns et blaue Band.
Süch ens dr Schmitz - met singem Fitz,
die sin alld jitz su voll wie en Spritz,
hä fällt däm Zijaretteboy öm dr Hals,
bröllt met 'ner Stemm su voller Schmalz:

Heidewitzka, Herr Kapitän! - Me'm...

Jung, op däm Scheff hammer alld Windstärke elf,
bal halver zwölf - un jar kei Hölf.
Selvs die Frau Dotz, die mit dem Walfischformat
wood dovun seekrank jrad.
Heimlich un still - bütz doch dat Bell - en dr Kajüt ne knochije Böll.
Nä, et weed Zick met uns, mir müsse an Land,
mir sin jo wie usser Rand un Band:

Heidewitzka, Herr Kapitän! Me'm...

Helau

nach Hello , Adele (kölsche-Version aus Deine Sitzung 2016)

Helau, wie fies Hätt der
dat jrad laut jesat oder han ich mich verhürt und jetz
bin ich schwer irritiert ich dachte
du un ich dat weed jet aber so bin ich fott „nee He-
lau... dat säht mr nit Ich kumm aus
Köln von Neu Ihrefeld un do säht mr "Alaaf", Ich
find dich nit mieh scharf Jestern
wors du noch per-feck, hück jeht et steil dr Berg e-raf, ich kann nur
hof-fen, dat et mi-nge Fa-mil-lich nit weiß

Ref:

Helau säht der an Kar-ne-va---l

un röp dat durch de janze Sa---al dä säht
mir dat med-den in et Jeseech, wie kann
dat sin, saach mr schammst du dich nit
Helau säht der an Kar-ne-va---l
un trägt auch noch e-ne Gladbach-Scha---l
dä säht mir dat med-den in et Jeseech
wie kann dat sin, nüch-tern hal-de ich dat nit
us

Scha-bau, ein Jlas nur... ich wor
zwi-schen-zeit-lich trock-en ä-wwer
jetz bruch ich e-ne Klo-re Hür
op! Sei still jetz! Ich will vun
dir jetz nix mieh hüre, es sei
denn du sähst "Alaaf" Du muss ver-
stonn, Jupp dat du mr
PEIN-LICH BISS mieh als ich
dat jetz er-trage kann

Ref:
Helau säht der an Kar-ne-va---l
un röp dat durch de janze Sa---al dä säht
mir dat med-den in et Jeseech, wie kann
dat sin, saach mr schammst du dich nit
Helau säht der an Kar-ne-va---l
dr Fa-sching es em ang-ere Sa----al
dä säht mir dat med-den in et Jeseech
wie kann dat sin, nüch-tern hal-de ich dat nit
us

Ref:
Helau säht der an Kar-ne-va---l
un röp dat durch de janze Sa---al dä säht
mir dat med-den in et Jeseech, wie kann
dat sin, saach mr schammst du dich nit
Helau säht der an Kar-ne-va---l
un trägt auch noch e-ne Gladbach-Scha---l
dä säht mir dat med-den in et Jeseech
wie kann dat sin, nüch-tern hal-de ich dat nit
us

EN DR KAYJASS NUMMER NULL

En der Kayjass Nummer Null steht ein
steinalt Schull un do han mer drin studiert
Unser Lehrer der hiß Welsch sproch e
unverfälsches Kölsch un do han mer bei jeleert.

Un do han mer oft hin und her
överlaat un han för der Lehrer jesaat

REF:

Nää Nää dat wisse mr nit mieh janz bestimmt nit mieh
un dat han mer nit studeet.

Denn mr waren beim Lehrer Welsch in dr Klaaß
Un do han mr su jet nit jeliert (Äwwer äawwer äwwer)
Drei mo Null eß Null eß Null denn mr
waren en dr Kayjass en dr Schu-ll
Drei mo Null eß Null eß Null denn mr
waren en dr Kayjass en dr Schu-ll!

2)

Es ene Schief ka-pott es ene
Mülleimer fott hätt ene Hungk am Stätz en Dos'
Kütt ene Schutzman anjerannt hät uns
all dann usjeschannt saht wat maht ihr Pänz denn bloß?

Un do han mer widder hin un her överlaaht un'
han för der Schutzmann je-sa-a-aht....

REF

3)

Neulich kriegt uns en der Jass de Frau
Kätzmanns beim Fraß.
Säht wo läuf ihr Pänz bloß hin?
Et Marieche sitz zu Hus weiß nit in und weiß
nit us, einer muss dr Vatter sin.

Un do han mr widr hin un her överlaaht
un han för de Kätzmanns je-sa-a-aht

Minsche wie mir (Höhner)

Minsche wie mir dun kriesche un laache,
Minsche wie mir sin nit jän allein.
Rötsch doch jet nöher, wie Fründe dat maache.
Minsche wie mir, jo Minsche wie mir!

Sundachs em Veedel, et Wedder es schön,
de Zupp koch em Kessel, mr hört kölsche Tön.
All sin se jekumme zo Raki un Bier,
och dä Willy, dä Ali, jo Minsche wie mir

Minsche wie mir ...,

Uns Oma die kütt jrad met Ääpelschlot aan.
Hammelkottletts lieje kross en dr Pann.
Dr Büb spellt Flamenco, JoseÂ?singk Berbuer,
för et Lis, för Suleika, jo Minsche wie mir.
Minsche wie mir ...,

Sirtaki un Schunkele - bei Kebab un Flönz
Kumm rövver, jet schwade, no maach kei Jedöns.
Zick Johre do wunne mer he Dür aan Dür
un mer halde zesamme, jo Minsche wie mir.
Minsche wie mir ...,

Pütze Hein (Bläck Fööss)

En d'r Salzjass bei uns em Veedel,
wo all die kleine Hüsjer stonn,
he kom eines Sundachsmorjens,
zur Freud vun all der Lückcher,
dä Pütze Hein zur Welt,
un paar Daach späder wor de Kinddäuf,
do trof sech alles en der Kirch,
da Pastor zopp en en et Wasser,
un joov em singe Sääjén,
un dann fing dat Spillche aan.

Refrain:

Un alle Glocke däte lüggen,
för dä kleene Pütze Hein,
op de Strooß un en de Jasse,
wood jesunge un jelach
un kein Minsch wor mieh doheim.

Su noh un noh wood dä Hein dann jrößer,
un hatt nur dummes Zeuch em Kopp,
doch bei all dä kromme Saache,
joov et emmer jät ze laache,
wor hä doch ne leeve Jung.

En de Slazjass bei uns em Veedel,
do jit et Freud, do jit et Knies,
he trof hä 20 Jöhrcher späder,
dä Hein wor jetz Vertreter,
vun nevvenan et Nies.

Refrain:

En d'r Salzjass bei uns em Veedel,
wo all die kleine Hüsjer stonn,
jo do kom drei Mond später
zur Freud vun all dä Lückcher,
ne Pütze Fuss zur Welt.

Refrain:

Kinddäuf unger Kraheebäume Willi Ostermann

Is mr op en Kinddäuf enjelade,dat kann nix schade,do jon mr hin.
Denn vun Hätze kann mr sich vermaache, et jitt ze lache un vill ze sin.
Su e Feß is edel,em richtje Veedel, die janze Naach,do jeit et tralalalalala lalala.
Su e Feß is edel,em richtje Veedel, die janze Naach,do jeit et tralala lalalala.

Mein Empfang war allerdings kein feiner.Tirek reef einer: Kumm,drink ens met!
En dr Weech dat Kind drunk och e Dröppche.Dat Wasserköppche Jeseechter
schnett.

Vör Freud dät danze die Ahl vum Janze,un sung su Žn bißjen tralalalalala lalala..
Vör Freud dät danze die Ahl vum Janze,un sung su Žn bißjen tralalalalala lalala..

Dat Konzert,dat jingk nun jet vunstatte,zwei Mann,die hatte ne Kamm jepack.
Einer spillten dann om Quätschebüggel,dat Klein me Žm Nöggel,dat schloch d
r Tack.

Un dann dr Pitter,dä spillte Zitter,su Žn bißjen tralalalalala lalala..
Un dann dr Pitter,dä spillte Zitter,su Žn bißjen tralalalalala lalala..

Weil no zwei vun de Musikante kein Musik kannte,du ahnst es nich,
fingk sich alles an ze expleziere un wie die Diere,do hatte sich
jetz met de Flosse,die Feßjenosse,janz öntlich tralalalalala lalala..
jetz met de Flosse,die Feßjenosse,janz öntlich tralalalalala lalala..

Einer wor dr andre dorch am bläue.Mr hoht nor Schreie: Dat Kind is fott!
Hölp! ,die Motter reef: Wo is mi Klümpche?Wo is mi Stümpche?
Do leever Jott! Do looch et
Jretche em Naakskommödche un wor am tralalalalala lalala..
Do looch et
Jretche em Naakskommödche un wor am tralalalalala lalala.

Kinddäuf fiere sull mr nit versöume en Kraheebäume,et is esu nett.
Han se sich des Ovends och me Žm Kraare,dun sich zerschlaare do öm de
Wett.

In diesem Falle sin nachher alle ein bißjen tralalalalala lalala..
In diesem Falle sin nachher alle ein bißjen tralalalalala lalala..

Schäfersch Nett (Willi Ostermann)

Well mer laache - sich vermaache, muß noh'm "Dude Jüdd" mer jon,
wo se Walzertempo danze, wo de Löhrjass hät et Janze,
wo met Schlökkcher Polkakökkcher sich bewääch de Nobeleiß,
wo präzis faß jede Sonndag, unter anderm Stammgaß es:

Et Schäfersch Nett, et Schruppe Zillije,
et Leppenbell, dat danz gewöhnlich d'r Kvadrillje,
et Seife-Klör em Sonndagsstaat, alles War' vum Tietze Leonhaad,
et Schmitze Plünn em fußfrei Röckche,
et fussich Julche met de lila, lila Sökkcher
un et "Juß", o stäänekränk, meschtendeils d'r Dreitritt schwenk.

Su zo schwevve - es e Levve für die Stollwercks-Hotvullee,
keinen Danz weed üvverschlage, nor geschweiß un nix em Mage.
Schleif de Lappe - nor berappe Usus es am "Dude Jüdd" -
trotzdem sin wie us dem Hüsje, spellt de Musik: "Nimm mich mit":

Et Schäfersch Nett...

Immer friedlich un jemütlich jeiht am "Dude Jüdd" et zo,
ävver nor beß 9 - 10 Ohre die Gemütlichkeit deiht dore.
Denn vum Driehe - op de Ziehe sin nachher se doll un voll,
alles fängk sich ahn zo plöcke un et hät sich met der Woll:

Et Schäfersch Nett...

Saunaboy

M'r nennt mich nur d'r brunge Jupp
Verkehre he em Saunaclub
Un kumme ich do zor Dür eren
Weiß jeder, wä ich bin
"Dat es d'r Jupp, d'r brunge Jupp!"

Do kütt direk dä Superschoss
Un hilf m'r us d'r Botz erus
Dat sich dä Jung entspanne kann
Su ne Ovend, dä wed lang

Ich ben d'r Saunaboy - Saunaboy

Dann läje ich mich supercool
Bei et Heidi en d'r Wirbelpool
Un steije dann die Bloose op
Es minge stiefe Nacke fott

Met enem Piccolöche en d'r Hand
Rolle ich mich op de Sonnebank
Kriech' ich och davun en weiche Bier
Ich halte durch und bleibe hier

Ich ben d'r Saunaboy - Saunaboy

Et Barbara us Sansibar
Sät zum Abschied "et wor wunderbar,
Komm un drink noch schnell di Jläsje us,
Denn Ding Mama wad op dich ze Hus"

Un all die Mädche singe:

Saunaboy - öm su e klei Schampanjer Fläschje
Do jit et doch normal kei Spreche
Do darf d'r doch et Hätz nit breche
Saunaboy - Un Du weis janz genau
M'r sare och nix Dinger Frau

Scheiß Mondaach Morje Bernd Antweiler

Scheiß Mondaach Morje, ich blieve im Bett
Waat op mich bis Morje ich kumme hück nit.
De Naach is jelaufe on ich bin noch esu mööd
Bin dis Naach heimjekroche on opstonn kann ich nit

Zehn Uhr de Sonn schink erinn, ich drieh mich noch ens öm
Öm zwölf wääd ich widder wac hon jläuve dat ich dräum
Mein Jott ming Kopp on Druck op dr Bloß ich jläuv ich muss eruss
On stell mich dohin wo ich immer stonn meischens wenn ich moß

Spieglein, Spielgein aan dr Wand wer luurt mich denn do an
Dich han ich noch nie jesinn, mein Jott bis du ärm draan.
Jrau im Jeseech, de Aure verkääf, dr Zidder an de Häng
Ich kann dir nit helefe, mir jeit et zu Engk.

Öm Sechs föhl ich mich besser, öm Sibbe is baal joot
Öm Aach Uhr bin ich widder fit on schnapp mir Mantel un Hot
Dr Hein, dr Karl, dr Willem, dr Jupp, ich sinn se alt do stonn
Äwwer hück kei Bier nur jet kaate, ich mein, dat mööt doch jonn.

Zwischenspiel (lebhaft)

Scheiß Dienstaachmorje ich blieve em Bett.
Janz so wie ich jedaach han,
janz esu wor et nit.

Sirtaki Bläck Fööss

Ovends - no der Arbeit, - wenn de Sunn am - Himmel steit,
süht mer - op de Stroße - Lück die han ihr - Jeld verdeent.

Alles- es versammelt, - vür der Düür stonn - Stöhl un Desch,
Schnäuzer - sin am schwade, - un et rüch noh - Öl un Fesch.

Einer - hät en Zeidung - us der Heimat - un lies vür,
drinke - dunn se Rutwing, - usser einem, - dä süff Bier.

Costa - spillt Bozouki, - an der Quetsch - do spillt der Hein,
Mikis - danz Sirtaki, - jeder föhlt sich - wie doheim.

instr.

Langsam - weed et düster - un de Gläser, - die sin leer,
einmol - muss mer heim jonn, - morje weed et - widder schwer.

instr.

Et Spanien-Leed M./T. Hartmut Prieß / Bläck Fööss

Jedes Johr im Somme jeiht dat Spillche widder loss.
Mit Sack un Pack no Spanien, weil et do jo nit vill koss.
Mir fleje dann me'm Neckermann von Wahn nach Benidorm
Do wede mer schön brung und sin so richdtig jroß in Form

Ref:

Nä, nä, Marie, es dat he schön, üvverall nur kölsche Tön'
He fähl nur vum Balkon die Aussicht op d'r Dom.
La la la la.....

Am ehzte Ovend weed direk e Barbecue jemaacht.
Die Wöschjer us d'r Heimat hammer selve mitjebraacht.
Mir drinke "Cubalibre" un Sangria bis zum Schluß
Als echte Kölsche föhlt m'r sich doch övverall zohus
Ref:

Am nächste Moje truff' m'r sich öm zehn Uhr dann am Strand.
Et Zeitung us d'r Heimat un et Radio im Sand.
Em zwölf Uhr jitt et Meddaach em Hotel es wärm jekoch'
Aähzezupp mit Hämche jitt et eimol en d'r Woch'
Ref:

Nohmeddachs öm zwei, do mache mir dann ehsch en Tour,
Met aachig Mann em Bus un dat för paar Pesete nur
Drei Stunde doosch de stadt, do kriehste wirklich jet ze sinn
Un eines dat es jetz schon klor, he fleje m'r widder hin.
Ref:

Unsere Stammbaum Musik und Text: H.Knipp/ Bläck Fööss

Ich wor ne stolze Römer, kom met Caesar's Legion,
un ich ben ne Franzus, kom mem Napoleon.
Ich ben Buur, Schreiner, Fescher, Bettler un Edelmann,
Sänger un Gaukler, su fing alles aan.

Refrain:

Su simmer all he hinjekumme,
mir sprechen hüek all dieselve Sproch.
Mir han dodurch su vill jewonne.
Mir sin wie mer sin, mir Jecke am Rhing.
Dat es jet ,wo mer stolz drop sin.

Ich ben us Palermo, braat Spaghettis für üch met.
Un ich wor ne Pimock, hüek laach ich met üch met.
Ich ben Grieche, Türke, Jude, Moslem un Buddhist,
mir all, mir sin nur Minsche, vür'm Herjott simmer glich
Refrain: Su simmer all ...

De janze Welt, su süht et us,
es bei uns he zo Besök.
Minsche us alle Länder
triff m'r he aan jeder Eck.
M'r gläuv, m'r es en Ankara, Tokio oder Madrid,
doch se schwade all wie mir
un söke he ihr Glöck.

Refrain: Su simmer all

Endenich Alaaf

Auf OYE CO MO VA

|:Endenich Alaaf, loss mr fiere
Endenich Alaaf, nit lamentiere:|

Break

Drei mol Null dat es Null, bei uns he in dr Schull
Drei mol Null es Null es Null Hey

Im Endenicher Fasteleer

Im Endenicher Fas-te-leer
do stepp do rock do danz dr BÄ€r

|:Vom Flo-de-lings-weg bis zum
En-de-nicher Ei hÄ€ert mr
A-laaf A-laaf A-laaf do sim-mr dr-bei:|